



Nema (natprirodne) zaraze, sujevjerja, sove, a nema ni vjerovanje da je mjesec safer baksuzan. Pored toga, bježi od zaraženog kao što bježiš od lava

Ebu Hurejre, radijallahu anhu, prenosi da je Allahov Poslanik, sallallahu 'alejhi ve sellem, rekao: "Nema (natprirodne) zaraze, sujevjerja, sove, a nema ni vjerovanje da je mjesec safer baksuzan. Pored toga, bježi od zaraženog kao što bježiš od lava."

[صحيح] [متفق عليه]

Poslanik, sallallahu alejhi ve sellem, u ovome hadisu upozorava na neke prakse koje su se činile u vrijeme prije islama, te pojašnjava da Allah svime upravlja i da se ništa ne dešava bez Njegove odredbe i volje. Prvo: Ljudi su smatrali da bolest (zaraza) prelazi sama od sebe. Poslanik, sallallahu alejhi ve sellem, zabranio je takvo vjerovanje, jer Allah je Taj Koji svime upravlja, On daje bolest i uklanja je, i ništa se ne može desiti bez Njegove volje. Drugo: Kada bi ljudi kretali na putovanje ili nekim poslom, potjerali bi ptice, pa ako bi one odletjele udesno, obradovali bi se, a ako bi odletjele ulijevo, bili bi pesimistični i vratili bi se. Poslanik, alejhisselam, zabranio je takvu praksu i pojasnio da je to neispravno. Treće: Ljudi prije islama bi govorili: Ako sova sleti na kuću, njene ukućane zadesit će nedaća. Poslanik, alejhisselam, zabranio je i takvu vrstu sujevjerja. Četvrto: Zabranjeno je sujevjerje i u pogledu mjeseca sefera, drugog po redu mjeseca u lunarnom kalendaru. Postoji i stav da se pod saferom ovdje misli na crva koji se nađe u stomaku stoke i ljudi, te su smatrali da on prenosi zarazu više nego šuga, pa je takvo uvjerenje zabranjeno. Peto: Hadisom se naređuje udaljavanje od zaraženog, kao što se bježi od lava, a sve s ciljem da se čovjek sačuva i da uradi ono što mu je Allah naredio. Ovdje se misli na bolest koja izjeda tijelo.

<https://sunnah.global/hadeeth/bs/show/3407>

